

**Uunga siunnersuut: Feriarneq pillugu Inatsisartut inatsisaata allanngortinneqarnera
pillugu Inatsisartut inatsisaat nr. xx, xx. xxx 2020-meersoq. (Kisitseriaatsip
toqqammasianik allanngortitsineq)**

Aningaasaqarnermut Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerneqarnereranut

ISUMALIUTISSISSLUTAA

Aningaasaqarnermut Akileraartarnermullu Ataatsimiititaliap suliariinninnermini [kingullermik] ilaasortarai:

Inatsisartunut ilaasortaq Hermann Berthelsen, Siumut, siulittaasooq
Inatsisartunut ilaasortaq Múte B. Egede, Inuit Ataqatigii, siulittaasup tullia
Inatsisartunut ilaasortaq Karl-Kristian Kruse, Siumut
Inatsisartunut ilaasortaq Aleqa Hammond, Nunatta Qitornai
Inatsisartunut ilaasortaq Malene V. Rasmussen, Demokraatit
Inatsisartunut ilaasortaq Peter Olsen, Inuit Ataqatigii
Inatsisartunut ilaasortaq Jens Napaattooq, Partii Naleraq

UKA 2020-imi ulloq 8. oktober siullermeerininnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Aningaasarsianit akileraarutit pillugit inatsisip (Inatsisartut inatsisaata nr. 7, 6. juni 2016-imeersup) allanngortinneqarnerani siunertaanngitsumik kingunerisaata iluarsineqarnissaa siunnersuutikkut siunertarineqarpoq. Allannguinerup tamatuma kingunerisimavaa soraarnerussutisiaqarnissamut aaqqissuussinernut Kalaallit Nunaata avataani angerlarsimaffeqartunut akiiliutit isertitanut akileraaruteqaataasussanut ilanngullugit naatsorsorneqarnissaat – tassa soraarnerussutisiaqarnissamut aaqqissuussinernut Kalaallit Nunaanni angerlarsimaffeqartunut akiiliutit isertitat akileraaruteqaataasussat naatsorsorneranni ilanngaatigineqarsinnaasut akerlianik.

Feriernerli pillugu inatsit atuuttoq malillugu feriarnersiutinik aamma immikkut ittumik feriarnersiutinik naatsorsuinermi akissarsianut tapiliussat taamaattut imaluunniit akissarsiat

ilaat isertitatut akileraaruteqaataasussaanngitsut ilanngunneqassanngitsut. Taamaalillunilu soraernerussutisiaqarnissamut aaqqissuussinernut Kalaallit Nunaata avataani angerlarsimaffeqartunut akiliuteqarnermi feriarnersiutinik aamma immikkut ittumik feeriarnersiutinik maanna akiliisoqartarpoq, tamannali soraernerussutisiaqarnissamut aaqqissuussinernut Kalaallit Nunaanni angerlarsimaffeqartunut akiliutinut atuutinngilaq.

Taamaalillunilu soraernerussutisiaqarnissamut aaqqissuussinermut Kalaallit Nunaanni avataaniluunniit angerlarsimaffeqartumut akiliuteqartarneq apeqqutaatinnagu feriarnersiutinik aamma immikkut ittumik feriarnersiutinik naatsorsuinerme tunngaviit assigiissaarnissaat siunnersuutikkut siunertarineqarpoq.

Siunnersuutip aamma kingunerissavaa soraernerussutisiaqarnissamut aaqqissuussinernut akiliuteqarnermut atatillugu feriarnersiutinut aamma immikkut ittumik feriarnersiutinut sulisartut siunissami akiliunneqartarunnaarnissaat.

Siunnersuutip Inatsisartunit siullermeerneqarnera

Siunnersuut siullermeerinninnermi inersuarmi partiinit tamanit taperserneqarpoq, taamaattorli ataatsimiititaliamut suliarineqartussanngortinnejarluni.

Tusarniaanermut akissutit

Tusarniaanermut akissutit inatsisisatut siunnersummut ilanngunneqarput, tamannalu Inatsisartut Siulittaasoqarfiata ilusiliinissamut piumasaqaataanut naapertuuppoq.

Ataatsimiititaliap siunnersummit suliarinninnera

Siunnersuutip imarisai ataatsimiititaliamit tapersersornartinneqarput aammalu siunnersummut nassuaatini Naalakkersuisunit oqaatigineqartut saniatigut allamik oqaaseqaatissaqarani.

Siunnersuutip aningaasaqarnikkut kingunerisassai

Siunnersuutip piviusunngortinnejarnerata aningaasatigut kingunerisassai siunnersummut nalinginnaasumik nassuaatini allaaserineqarput. Tassani allassimavoq pisortat ukiumut 1,3 mio. kr.-inik sipaaruteqarnissaat missingerneqartoq. Taama sipaaruteqarneq sulisartunit, taamaaqqaataanik ukiumut katillugit 1,3 mio. kr.-inik annaasaqartussanit, pissarsiarineqassaaq. Kiisalu inuussutissarsiortut annikinnerusumik sipaaruteqarnissaat naatsorsuutigineqarpoq.

Ataatsimiititaliap inassuteqaatai

Siunnersuut akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Hermann Berthelsen

Hermann Berthelsen
siulittaasoq



Múte Bourup Egede
Siulittaasup tullia

F. Karl-Kristian Kruse

Karl-Kristian Kruse

Aleqa Hammond


Aleqa Hammond



Peter Olsen

Malene Vahl Rasmussen

Malene Vahl Rasmussen



Jens Napaattooq